

Allegato C)



Comune di Santa Teresa Gallura  
Assessorato della Cultura



Regione Autonoma della Sardegna  
Assessorato della Cultura



Comune di Aggius



# 24° PREMIU DI PUISIA GADDHURÉSA E COSSA “LUNGÒNI”

## Ghjurìa

Pierantonio	BARDANZELLU	(Presidènti)
Franco	FRESI	(Cummissariu)
Andrea	MUZZEDDU	“
Jean Marie	ARRIGHI	“
Pierre	LECA	“
Jocelyne	CASTA	“

**Li puisii déni arrià no più a taldu di lu 23 di lu mesi di Sant'Andria 2018**

**La zirimonia di primiazioni si farà in Lungòni la dì 15 di lu mesi di Natali a li 4 di sirintina  
Triattu cumunali “Nelson Mandela”  
Carrera Pertini - Lungòni**

**Pa infulmazioni chjameti: 0789/741317 (Biblioteca “Grazia Deledda”), mail:  
cultura@comunesantateresagallura.it, [www.comunesantateresagallura.it](http://www.comunesantateresagallura.it)**

## BÀNDIU

1. Lu premiu di puisia gaddhurésa e cossa "LUNGÒNI" accetta cumpunimenti mai prubbicati o primati in alti cuncursi. L'argumentu è libbaru, in rima o no.
2. Lu premiu si dividi in dui palti: una in lingua gaddhurésa e una in lingua cossa. In dugna palti v'è una pulzioni risilvata a li ciòani da l'8 a li 18 anni: l'etai déi esse dicchjarata pa' iscrittu cu la prisintazioni di la puisia.
3. Ca cuncurri pó paltizipà a una sola palti di lu premiu (lingua gaddhurésa o lingua cossa) cu una puisia no più longa di coranta (40) rigghi. Li puisii déni esse scritti a macchina o a lu computer e saria meddhu s'aissini la traduzioni in italianu.
4. Li puisii prisintati non pon'aé nisciun drittu d'autori e fèlmani di proppietài di l'Amministrazione comunali, chi podarà utilizzalli pa cassisia scoppu culturali e senza nisciun' ùbbriku illi cunfronti di li puetti.
5. Li puisii déni esse spidùti pal mèzu di la posta elettronica a lu 'ndirizzu: [info@comunestg.it](mailto:info@comunestg.it). La mail déi aé pa ugghjèttu: premio di poesia "Lungoni 2018". Bisogna spidi dui file pa l'opara prisintata:
  - un file chena innommu, cun titulu, cumpunimentu, sizioni a la quali si cuncurri. Lu file déi esse in fulmàtu DOC (mudificabbili in Word);
  - un file cumpletu di tittulu, opara, innommu, sangunaghju di l'autori, locu e data di nascita, codici fiscali, indirizzu, nùmmaru di telefunu, mail. Lu file déi esse in fulmàtu pdf (no mudificabbili).
6. Li puisii déni arrià entru l'una dapoi mezudì di lu 23 di sant'Andria di lu 2018 (faràni fidi l'oràriu e la data di spidizioni).
7. Lu chi dizzidi la ghjuria no si discutti e la paltizipazioni a lu cuncursu cumpòlta l'accettazioni di lu bándiu.
8. In tutt' e dui li palti di lu cuncursu li premi so' chisti:
  - Primma Premiu: € 700,00 (settacentu) e la talga "Lu Cumuni di Lungoni" pa la palti gaddhurésa; € 700,00 (settacentu) e la talga "Jean Baptiste Stromboni" pa la palti cossa.**
  - Sigundu Premiu: € 500,00 (cincuentu) Telzu Premiu: € 250,00 (duicentucincanta)**
9. Vi sò ancora alti prémii: la talga "Gianni Filigheddu" d'assignà a la mèddhu puisia di strau; la talga "Andrea Quiliquini" d'assignà a la mèddhu puisia d'argumentu sociali; la talga "Giulio Cossu" d'assignà a la mèddhu puisia sistata in modu rinuatu.
10. Pa tutt' e dui li pulzioni risilvati a li ciòani li premi so chisti:
  - Primma premiu: € 200,00 (duicèntu) Sigundu premiu: € 100,00 (centu) Telzu premiu: € 50,00 (cincanta)**
11. Li vincidori sarani avvisati pa telefunu, chena indicazioni di lu premiu assignatu. Chiddhi chi no si prisentaràni a la primiazioni aaràni sei mesi di tempu pa ritirà lu premiu.
12. L'ingarrigata di lu pruzidimèntu, dott.ssa Roberta Careddu, è ingarrigata ancora di li rappòlta cu la ghjuria e cu li puètti; 0789/741317, e-mail: [cultura@comunesantateresagallura.it](mailto:cultura@comunesantateresagallura.it), pec [biblioteca@pec.comunestg.it](mailto:biblioteca@pec.comunestg.it).